

宋史

第十
卷
第十
冊

欽定四庫全書

宋史

PDG

宋史卷四百六十六

列傳第二百二十五

宦者一

竇神寶

王仁睿

王繼恩

李神福

弟神祐

劉承規

閻承翰

秦翰

周懷政

張崇貴

張繼能

衛紹欽

石知顒

孫全彬

財守恩

宋世待宦者甚嚴太祖初定天下掖庭給事不過五十人宦寺中年方許養子爲後又詔臣僚家毋私蓄閹人民閒有闍童孺爲貨鬻者論死去唐未遠有所懲也厥後太宗卻宰相之請不授王繼恩宣徽真宗欲以劉承規爲節度使宰相持不可而止中更主幼母后聽政者凡三朝在於前代豈非宦者用事之秋乎祖宗之法

嚴宰相之權重貂璫有懷姦慝旋踵屏除君臣相與防微杜漸之慮深矣然而宣政閒童貫梁師成之禍亦豈細哉南渡苗劉之逆亦宦者所激也坊記曰君子之道辟則坊與大爲之坊民猶踰之可不戒哉作宦者傳

竇神寶父思儼五代時爲內侍宋初皇城使兄神興左領軍衛大將軍致仕神寶初爲黃門太平興國中從征太原環甲登城中流矢稍遷入內高品監并州戍兵屢出襲賊前後破砦三十六斬千餘級大獲鎧甲牛馬橐駝因築三砦詔褻之九年命與尹憲屯夏州時岌伽羅膩等十四族久叛神寶率兵大破之焚其廬帳斬千餘級虜獲甚眾雍熙中朝廷遣使綏宥麟府州募邊部願攻契丹者賜以金帛神寶上言狼子野心由此或生邊隙乃止俄轉殿頭高品淳化中使河東閱視堡柵兵騎慕容德豐自刑臺徙延州未

至郡詔神寶乘傳權州事環州近邊內擾與陳德立討之破牛家
族二十八部且規度通遠入靈武路就命環慶同駐泊牛家族復
結眾叛又破之殲餘黨於極泉鎮獲其渠帥九人西戎寇鄜以援
之之勞遷仁奉官與田紹斌部送靈州芻糧卽命駐泊李繼遷入
寇與慕容德豐襲破其堡砦焚帳幕獲人畜數萬計連詔嘉獎遷
內殿崇班至道初繼遷再寇靈武神寶遣人間道告急闕下賊圍
之歲餘地震二百餘日城中糧糗皆竭潛遣人市糴河外宵運以
入閒出兵擊賊賊引去以功拜西京作坊副使又命于浦洛河清
還軍援芻糧與楊允恭議造小車三千運糧至環州三年遷西京
左藏庫副使出使靈武還奏對稱旨面授供備庫使咸平中出爲
高陽關鈐轄徙貝冀巡檢會原州野狸族三千餘眾徙帳于順成
谷大蟲堪與熟魏族接戰詔神寶和治之至則定其經界遣悉還

舊地入爲內侍右班副都知眞宗朝陵畱與劉承珪同掌大內事
大中祥符初句當三班院又掌諸王宮事遷西京左藏庫使領密
州刺史兼掌往來國信神寶莅職精恪性吝嗇畜貨鉅萬天禧初
以皇城使罷內職三年卒年七十一錄其子守志爲入內供奉官
王仁睿不知何許人年十餘歲事太宗于晉邸服勤左右甚清謹
及卽位宣傳指揮頗稱旨歷入內小底都知洛苑副使命典宮闈
出納之命最居親近嘗與柴禹錫等發秦邸陰事雍熙四年被疾
遣太醫診視卒年四十一特贈內侍省內侍國朝以來內侍都知
押班不領它職淳化至道後皆內殿崇班以上兼充多至諸司使
有領觀察使者沒皆有贈官官給葬事舊制內侍人許養一子以
充繼嗣開寶四年以其爭財起訟詔自今滿三十無養父者始聽
養子仍以其名上宣徽院違者準前詔抵死咸平中徐志通爲溫

台等州巡杖坐取李歡男四人爲假子又縱卒略民家小兒致其
母抱兒投海歿決杖配婦灑班復申前詔以戒厲之

王繼恩陝州陝人周顯德中爲內班高品初養於張氏名德鈞開
寶中求復本宗太祖召見許之因賜名焉素爲內侍行首會計江
南與竇神興等部禁兵及戰船抵采石九年春改裏面內班小底
都知賜金紫十月加武德使太祖崩副杜彥圭案行陵地尋充永
昌陵使太平興國三年遷宮苑使久之領河州刺史掌軍器弓槍
庫雍熙中王師克雲朔命繼恩率師屯易州又爲天雄軍駐泊都
監自岐溝關君子館敗績之後河朔諸路爲契丹所擾城壘多圯
四年詔繼恩與翟守榮田仁朗郭延濬分路案行增築之及遣將
北伐又爲排陳都監屯中山改皇城使端拱初領本州團練使又
爲鎮定高陽關兩路排陳鈐轄淳化初賜甲第一區五年加昭宣

使十當皇城司李順亂成都命爲劔南兩川招安使率兵討之軍
事委其制置不從中覆管內諸州繫囚非十惡正賊悉得以便宜
決遣二月命馬步軍都軍頭王杲趣劔門崇儀使尹元由峽路分
遣討賊竝受繼恩節度詔前軍所至其賊黨敢抗王師者卽須殺
戮如本非同惡受制凶徒先被脅從今能歸順者悉釋其辜四月
繼恩由小劔門路入研石砦破賊斬首五百級逐北過青張嶺平
劔州進破賊五千于桺池驛斬千六百級賊眾望風奔走殺戮溺
死者不可勝計又克閬縣二州五月至成都破賊十萬餘斬首三
萬級獲順及鎧甲僭僞服用甚眾朝議賞功中書欲除宣徽使太
宗曰朕讀前代史書不欲令宦官預政事宜徽使執政之漸也止
可授以它官宰相力言繼恩有大功非此任無足以爲賞典上怒
深責相臣命學士張洎錢若水議別立宣政使序位昭宣使上以

授之進領順州路防禦使繼恩握重兵久畱成都轉餉不給專以宴飲爲務每出入前後奏音樂又令騎兵執博局棋枰自隨威振郡縣僕使輩用事恣橫縱所部剽掠子女金帛軍士亦無鬪志餘賊迸伏田谷間州縣有復陷者太宗知之乃命入內押班衛紹欽同領其事又遣樞密直學士張鑑西京作坊使馮守規乘傳督其捕賊議分減師徒出蜀境以便糧運高品王文壽者隸繼恩麾下繼恩遣領虎翼卒二千分遂州路追討文壽御下嚴急士卒皆怨一夕臥帳中指揮使張麟遣卒排闥入斬文壽首以出會夜昏黑麟猶疑其非然炬照之曰是也時嘉州賊帥張餘有眾萬餘麟卽以所部與之合賊勢甚盛初奏至太宗欲盡誅軍人妻子近臣或請勿殺悉索營中書遣帥招撫諭以釋臯親屬皆全必自引來歸因可破賊上然之令巡檢程道符諭旨亡卒斬麟函首送繼恩皆

自拔來歸因使爲鄉導擊賊悉平之至道二年春布衣韓拱辰詣闕上言繼恩有平賊大功當秉機務今止得防禦使賞甚薄無以慰中外之望上大怒以拱辰惑眾杖脊黥面配崖州俄召繼恩太宗崩命與李神福案行山陵加領桂州觀察使繼恩初事太祖特承恩顧及崩夕太宗在南府繼恩中夜馳詣府邸請太宗入太宗忠之自是寵遇莫比喜結黨邀名譽乘閒或敢言薦外朝臣由是士大夫之輕薄好進者從之交往每以多寶院僧舍爲期有潘闌者能詩詠賣藥京師繼恩薦之召見賜進士第尋察其狂妄追還詔書及眞宗初繼恩益豪橫頗欺罔漏泄機事與參知政事李昌齡緘題往來多請託至有連宮禁者繫與胡旦善時將加恩密誘其爲褻辭又士人詩頌盈門上惡其朋結黜爲右監門衛將軍均州安置籍沒貲產多得蜀土僭擬之物昌齡責忠武軍節度行軍

司馬旦削籍長流尋州詔中外臣僚曾與繼恩交識及通書尺者一切不問咸平二年卒於貶所遣使將其家屬還京師假官舍處之四年聽歸葬大中祥符三年特詔追復官爵以白金千兩賜其家子懷珪轉入內高班

李神福開封人父繼美仕後唐爲內侍顯德初爲御廚都監時內臣止以服色爲貴太祖特賜紫後至右領軍衛將軍神福少給事晉王府謹恪解上意未嘗少怠太宗卽位授入內高品從征太原攻城之際往來梯衝間宣傳詔命卽行在所遷殿頭太平興國六年擢入內高品押班遷副都知句當翰林司轉入內內班都知數句當祇候內品班淳化四年遷崇儀副使句當皇城司屬初易黃門之號轉入內黃門都知俄加宮苑使太宗好筆札神福每侍側多獲別本之賜及不豫神福朝夕左右躬侍藥膳真宗卽位遷皇

城使內侍省入內侍都知領恩州團練使句當永熙陵行宮事
時模寫太宗聖容以神福立侍未幾求罷都知加昭宣使句當皇
城司賜第宮城側遣修內工爲葺之咸平二年秋閱兵東郊以神
福爲大內都部署是冬幸大名與王繼英竝爲行宮使四年句當
三班部修含光殿賜賚甚優景德初兼領親王諸宮使三年改宣
政使從謁諸陵復爲行宮使進幸西京賜酺命神福主其事大中
祥符初天書降夕神福與劉承珪登永遷李神祐石知顒張景宗
藍繼宗同直禁中賜以器幣緡錢京師酺會又令神福與白文肇
閻承翰同典之是歲封泰山與曹利用同經度行宮道路及車駕
進發又爲行宮使禮畢授宣慶使領昭州防禦使整肅禁衛先是
諸司使止于宣政故特置使額以寵之三年卒年六十四贈潤州
觀察使神福往恭感和易每爲衛紹欽所詬罵皆引避不校在禁

開五十年稱爲長者然久掌三班無規制遠近失敘有請託者不馬拒之人譏其所守子懷斌懷贊弟神祐

神祐初以父任授殿頭高品太祖將納孝章皇后命神祐奉聘禮子葉州乾德五年征太原負御寶從行開寶二年又從征太原時有詔緣遠和市軍儲車駕在潞州聞之且慮擾民令神祐馳驛止之時詔下已五日神祐一夕而及晉陽一日甲士旣陳賊潛縱火焚梯衝亟命神祐部衛兵爲援斬賊甚眾餘悉潰去王師伐廣州隨軍賞給劉鋹平先部帑藏之物赴京師及土寇周瓊等叛又副天崇珂討平之六年隨曹彬南征克關城禽僞將朱令贇命神祐馳入獻捷書賜錦袍金帶太宗卽位遷南作坊副使錢俶歸朝命神祐往案府藏之積再征太原領工徒千人隨駕以備繕完甲兵劉繼元表納降款太宗陳儀衛城北臺以受之繼元移時未至神

祐馳單騎入城俄頃引繼元至及北伐燕薊命與劉延翰統精騎爲大陳之援車駕還又令率兵屯定州以備契丹太平興國六年滑州治河防材葦未具命神祐馳往垣曲伐薪蒸四百萬以濟其用七年契丹寇邊命領兵屯瀛州俄改崇儀使提點左右藏庫遷洛苑使至道初西鄙不寧命爲靈環排陳都監率眾至烏白池而還俄駐永興復護糧運抵朔方真宗嗣位轉內園使邠州都監車駕北巡改天雄軍都監子城內巡檢時北兵充斥道途阻塞命神祐單騎諭密旨於諸將敵騎數百忽至神祐乃周麾而呼若召伏兵敵懼而逃遂達其命俄充邢州排陳都監句當西八作司景德初上幸澶州領隨駕壕砦三年遷入內都知從東封還遷南作坊使時內侍將遷秩有扈從升山不升山或不豫從祀者令神祐第其勤狀上親閱而敘遷之有范守遜皇甫文史崇貴張延訓等皆

嘗有譴案而互陳勞効且言神祐等品第非當泣訴于上止而復來者數四守遜等先改內常侍上怒悉停其官神祐洎石知顒副都知張景宗藍繼宗竝坐削職尋掌御廚七年卒年六十六大中祥符六年錄其孫永和爲三班奉職神祐性謹愿曉音律頗好篇詠子懷岳太宗時嘗請爲道士後復內侍多屯邊郡常持大鐵鞭以鬪賊屢中流矢至供奉官懷儼爲內殿崇班

劉承規字大方楚州山陽人父延韜內班都知承規建隆中補高班太宗卽位超拜北作坊副使時泉帥陳洪進歸朝遣承規疾置封具府庫會土民嘯聚爲寇承規與知州喬維岳率兵討定之太平興國四年命與內衣庫使張紹勅等六人率師屯定州以備契丹又護滑州決河雍熙中句當內藏庫兼皇城司出爲鄜延路排陳都監改崇儀使遷洛苑使至道中與周瑩同簽書提點樞密宣

徽諸房公事仍加六宅使承規懇辭帝雖不許而嘉其退讓真宗立瑩爲宣徽使以承規領勝州刺史簽書宣徽院公事尋讓宣徽之務加莊宅使咸平三年遷北作坊使時邊境未寧議修天雄軍城壘命承規乘傳經畫又命提舉內東崇政殿等諸門遷宮苑使上詢承規西事請益環州本波鎮戍兵以爲諸路之援從之俄兼句當羣牧司景德二年與李允則使河閒案視嘗經戰陳等處將卒之勞是歲置官提舉京師諸司庫務以承規領之所創局署多所規制改皇城使與林特李溥議更茶法四年三司上言新課增羨承規以勞加領昭州團練使大中祥符初議封泰山以掌發運使遷昭宣使長州防禦使會修玉清昭應宮以承規爲副使祀汾陰復命督運議者以自京至河山中由陸則山險具舟則湍悍承規決議水運凡百供應悉安流而達自朝陵東封及是皆畱掌大內

禮成當進秩表求休致手詔敦勉仍作七言詩賜之拜宣政使應
州觀察使五年以疾求致仕修官使丁謂言承規領宮職藉其督
轄望勿許所請第優賜告詔特置景福殿使名以寵之班在客省
使上仍改新州觀察使上作歌以賜承規以廉使月稟歸於有司
手詔褒美復定殿使奉以給之本名承珪以久疾羸瘵上爲取道
家易名度厄之義改珪爲規疾甚請解務還私第聽之仍許皇城
常務上印日內藏庫有剗制就取商度又再表求罷官檢校太傅
左驍衛上將軍安遠軍節度觀察畱後致仕七月卒年六十四廢
朝贈左衛上將軍鎮江軍節度諡曰忠肅承規事三朝以精力聞
樂較簿領孜孜無倦自掌內藏僅三十年檢察精密動著條式又
製定權衡法語在律曆志性沈毅徇公深所倚信尤好伺察人多
畏之上崇瑞命修祠祀飾宮觀承規悉豫聞作玉清昭應宮尤爲

精麗屋室有少不中程雖金碧已具必毀而更造有司不敢計所費二聖殿塑配饗功臣特詔塑其像太宗之側承規遇事亦或寬恕鑄錢工常訴本監前後盜銅瘞地數千斤承規佯爲不納因密遣人發取還官不問其辜咸平中朱昂杜鎬編次館閣書籍錢若水修祖宗實錄其後修冊府元龜國史及編著讐校之事承規悉典領之頗好儒學喜聚書閒接文士質訪故實其有名於朝者多見禮待或密爲延薦自寢疾惟以公家之務爲念遺奏求免贈賻詔葬上甚嗟惜之遣內臣與鴻臚典喪親爲祭文玉清昭應宮成加贈侍中遣內侍鄧守恩就墓告祭子從愿爲西染院使閻承翰眞定人周顯德中爲內侍入宋事太祖以謹愿稱太宗時擢爲殿頭高品稍遷內侍供奉官內殿崇班先是八作司材木頗有隱弊承翰建議於都城西置事材場治材以給之雍熙中知廣